

Adroddiad i'r	Cabinet
Dyddiad y cyfarfod	26 Gorffennaf 2022
Aelod Arweiniol / Swyddog	Y Cynghorydd Rhys Thomas (Aelod Arweiniol Tai a Chymunedau) / Ann Lloyd (Pennaeth Gwasanaeth Dros Dro)
Awdur yr adroddiad	Hayley Jones / Nigel Jones
Teitl	Caffael Gwasanaeth Cymorth Llety Brys Dros Dro newydd (Atal Digartrefedd)

1. Am beth mae'r adroddiad yn sôn?

- 1.1. Mae'r adroddiad hwn yn rhoi gwybodaeth am gynnig ar gyfer prosiect cymorth llety brys dros dro newydd i atal digartrefedd gyda chais am gymeradwyaeth i gychwyn y gwaith o gaffael y gwasanaeth hwn

2. Beth yw'r rheswm dros lunio'r adroddiad hwn?

- 2.1. Mae angen penderfyniad ar dendro ar gyfer prosiect cymorth llety brys dros dro newydd i atal digartrefedd. Mae'r Ffurflen Gomisiynu (gweler Atodiad 1) eisoes wedi'i chymeradwyo gan y partiön perthnasol, yn unol â Rheolau Gweithdrefn Contractau Sir Ddinbych.

3. Beth yw'r Argymhellion?

Mae'r argymhellion am y penderfyniadau a nodir isod:

- 3.1. Bod y Cabinet yn cymeradwyo cychwyn y broses gaffael fel sydd wedi'i nodi yn Atodiad 1 y Ffurflen Gomisiynu.
- 3.2. Bod y Cabinet yn cadarnhau eu bod wedi darllen a chymryd yr Aseiad Lles i ystyriaeth (gweler Atodiad 3 ar gyfer yr Aseiad o Effaith ar Les drosfwaol ar gyfer Cynllun Cyflawni'r Grant Cymorth Tai 2022-2025).

4. Manylion yr adroddiad

- 4.1. Rydym am ddatblygu ein cynnig llety brys dros dro i ddarparu gwell profiad lle mae pobl yn cael eu cefnogi i wella eu lles ac adeiladu ar eu dyfodol. Fel y nodwyd yn ein Cynllun Cyflawni Grant Cymorth Tai 2022-2025, rydym am ddatblygu ein cynnig cymorth i bobl a leolir mewn llety brys dros dro.
- 4.2. Rydym am i'r prosiect hwn ddarparu cymorth cyfannol i ddinasyddion sydd wedi'u lleoli mewn llety brys dros dro sy'n eiddo i'r awdurdod lleol er mwyn lleihau'r risg y bydd digartrefedd yn digwydd eto a gwella canlyniadau llesiant.
- 4.3. Rydym yn awyddus i weld rhaglen ymgysylltiol o weithgareddau ystyrion yn elfen allweddol o'r prosiect hwn. Rydym hefyd am i'r prosiect allu darparu cymorth i bobl a leolir mewn llety brys dros dro ar unrhyw adeg o'r dydd neu'r nos, felly bydd angen darpariaeth staffio dros nos.
- 4.4. Bydd yr unigolion a gefnogir fel rhan o'r prosiect hwn o unrhyw ryw; 16 oed a throsgod; sengl neu ran o gwpl, a gall fod ganddynt blant ac anifeiliaid anwes dibynnol neu beidio.
- 4.5. Mae Asesiad o Effaith ar Les wedi ei gwblhau ar gyfer y Cynllun Cyflawni Grant Cymorth Tai trosfwaol – gweler atodiad 3.
- 4.6. Bydd y contract hwn yn cael ei ariannu'n llawn drwy'r Grant Cymorth Tai a geir gan Lywodraeth Cymru.
- 4.7. Rydym wedi amcangyfrif y costau a gwerth am arian yn seiliedig ar gyfradd feincnodi gyfwerth ag amser llawn y Grant Cymorth Tai; fodd bynnag bydd gwerth am arian yn cael ei werthuso a bydd yn bosib ei drafod ymhellach fel rhan o'r ymarfer caffael.
- 4.8. Byddai'r contract am gyfnod o bum blynedd gydag opsiwn i'w ymestyn am bump arall, yn amodol ar berfformiad boddhaol a pharhad cyllid a pherthnasedd strategol. Contract newydd sbon fydd hwn, felly nid yw eisoes yn cael ei ddarparu gan unrhyw un.
- 4.9. Bydd y gwasanaeth hwn yn cael ei fonitro drwy gydol y flwyddyn. Bydd disgwyl i'r darparwr/darparwyr gyflwyno ffurflenni monitro perfformiad chwarterol ac adroddiadau deilliannau bob 6 mis yn unol â'r Fframwaith Deilliannau Cefnogi Pobl/GCT. Bydd gan y prosiect hefyd nifer o ddangosyddion perfformiad allweddol unigryw, fel yr amlinellir ym manyleb y prosiect (gweler atodiad 2).

- 4.10. Rydym yn gobeithio cynnig y cyfle tendr hwn i'r trydydd sector gan fod ganddynt y profiad a'r arbenigedd o weithredu llety â chymorth 24 awr. Mae Llywodraeth Cymru'n cydnabod yr angen i Awdurdodau Lleol (ALI) weithio mewn partneriaeth â'r Trydydd Sector a derbynnir yn eang eu bod yn cael eu sbarduno gan werth a'u cymell gan amcanion cymdeithasol, diwylliannol neu amgylcheddol, yn hytrach na gwneud elw yn unig; yn ogystal â hynny, maent wedi ymrwymo i ail-fuddsoddi eu gorwerth i ehangu eu nodau cymdeithasol er budd pobl a chymunedau.
- 4.11. Fel Comisiynwyr Awdurdod Lleol, fe ddylem gefnogi'r Trydydd Sector a'r economi ehangach gyda'n grym gwario lle bo cyfle i gefnogi nodau ac amcanion yr ALI. Drwy ddarparu contractau cyhoeddus, mae gan ein grym gwario'r potensial i ddylanwadu ar ddatblygiad y farchnad yn y tymor canolig a'r hirdymor a chreu cyfleoedd i ddarparu canlyniadau economaidd-gymdeithasol ac amgylcheddol, bodloni anghenion y presennol heb gael effaith ar allu cenedlaethau'r dyfodol i fodloni eu hanghenion eu hunain.

5. Sut mae'r penderfyniad yn cyfrannu at y Blaenoriaethau Corfforaethol?

- 5.1. Tai: Bydd ffocws clir (a dangosyddion perfformiad) perthnasol i gefnogi pobl er mwyn osgoi'r perygl o ddigartrefedd.
- 5.2. Clymu Cymunedau: Un o ofynion allweddol y gwasanaeth yw y bydd yn hygyrch, gan gynnwys ystyriaeth benodol a chreadigedd o ran y gweithgareddau ystyrlon mewn amrywiaeth o leoliadau yn y gymuned ar draws Sir Ddinbych i wella lles pobl.
- 5.3. Cymunedau Cryf: Mae meithrin annibyniaeth a gwytnwch yn nodau allweddol o'r prosiect hwn. Drwy amryw o ddulliau bydd yn ceisio rhoi'r wybodaeth a'r sgiliau i bobl a chymunedau i'w galluogi i atal a mynd i'r afael â digartrefedd a gwella llesiant. Bydd y gallu i fynd i'r afael â phroblemau a gwella llesiant yn helpu i atal digartrefedd rhag digwydd eto.
- 5.4. Yr Amgylchedd: O ran cyflawni'r prosiect, bydd y cymorth yn cael ei seilio ar ddau safle sy'n eiddo i'r cyngor a fydd yn cael eu defnyddio ar gyfer llety brys dros dro ac fel canolbwynt ar gyfer y rhaglen o weithgareddau sydd i'w darparu. Yn ychwanegol mae'n rhaid darparu Manteision Cymunedol fel rhan o'r prosiect hwn ac rydym wedi

nodi bod gennym ddiddordeb penodol mewn cynigion a fydd yn helpu CSDd i wireddu ei amcanion Di-garbon Net.

- 5.5. Pobl Ifanc: Bydd pobl ifanc 16+ ac oedolion gyda phlant yn cael eu cynnwys o fewn cwrmpas cymorth uniongyrchol y prosiect hwn. Disgwyliwn y bydd rhywfaint o'r cymorth a'r gweithgareddau hefyd o fudd i blant a phobl ifanc sy'n byw yn y llely.

6. Faint fydd hyn yn ei gostio a sut y bydd yn effeithio ar wasanaethau eraill?

- 6.1. Bydd y prosiect hwn yn cael ei noddi'n llwyr drwy Grant Cymorth Tai Sir Ddinbych a ddarperir gan Lywodraeth Cymru. Disgwyliwn y bydd y ddarpariaeth yn lleihau'r effaith ar wasanaethau statudol a chostau Gwely a Brechwast cysylltiedig.
- 6.2. Rydym yn ymgynghori â'r cabinet o ganlyniad i lefel gwariant y prosiect hwn gan mai amcangyfrif gwerth y contract blynyddol yw £914,000 gyda'r bwriad o gynnig contract 5 mlynedd gyda'r opsiwn i'w ymestyn am 5 mlynedd arall.
- 6.3. Byddai'r costau o ddarparu gwasanaeth mewnol yn llawer mwy o ganlyniad i delerau ac amodau cyflogaeth yr Awdurdod Lleol, felly byddai darparu'r prosiect drwy'r Trydydd Sector yn cynnig gwell gwerth am arian (Atodiad 4).
- 6.4. Mae dull y polisi Manteision Cymunedol yn ceisio gweithredu ar y diffiniad ehangach hwn o werth am arian drwy ddarparu'r buddion cymdeithasol, economaidd ac amgylcheddol mwyaf yn y broses o sicrhau nwyddau, gwasanaethau neu waith sy'n ofynnol gan y sector cyhoeddus yng Nghymru. Mae darpariaeth Manteision Cymunedol drwy brosesau caffael y sector cyhoeddus wedi'i alinio â Deddf Lles Cenedlaethau'r Dyfodol ac yn cyflawni yn erbyn ei nodau.

7. Beth yw prif gasgliadau'r Asesiad o'r Effaith ar Les?

- 7.1. Sgoriodd yr asesiad o effaith a gynhaliwyd ar y Cynllun Cyflawni GCT trosfwaol 34 allan o 36, gan roi tair seren allan o bedair. Nodwyd effaith gadarnhaol ar gyfer yr holl nodau lles.

8. Pa ymgynghoriadau sydd wedi'u cynnal gyda Chraffu ac eraill?

- 8.1. Mae'r fanyleb wedi'i datblygu yn dilyn ymgynghori helaeth, gan gynnwys arolwg budd-ddeiliaid wedi'i dargedu. Mae ymatebion yn cynnwys adborth gan ddinasyddion ac amrywiaeth eang o fudd-ddeiliaid allweddol gan gynnwys digwyddiad cwrdd â'r prynwr ym mis Mai 2022. Yn absenoldeb Pwyllgor Craffu cyn y cyfarfod Cabinet hwn, cafwyd cymeradwyaeth Prif Weithredwr y Cyngor.

9. Datganiad y Prif Swyddog Cyllid

- 9.1. Mae'r cynnig yn rhan o'r strategaeth ar gyfer ymdrin ag effaith ariannol digartrefedd i ddarparu cymorth o fewn llety brys dros dro sy'n eiddo i'r cyngor a fydd, gobeithio, yn lleihau nifer y bobl sy'n cael eu lletya mewn sefydliadau Gwely a Brecwast. Bydd hyn yn helpu i reoli costau cynyddol y gwasanaeth hwn yn y dyfodol tra hefyd yn darparu gwasanaeth gwell. Ariennir costau'r cynllun hwn yn llawn gan gyllid allanol gan Lywodraeth Cymru ac ar y sail honno caiff y penderfyniad ei gefnogi'n llawn.

10. Pa risgiau sydd ac a oes unrhyw beth y gallwn ei wneud i'w lleihau?

- 10.1. Bydd proses dendro gadarn, yn cynnwys gwerthuso gan banel amrywiol (yn cynnwys aelodau gyda phrofiad uniongyrchol o ddigartrefedd/risg o ddigartrefedd) yn sicrhau y byddwn hyd eithaf ein gallu yn dyfarnu'r contract hwn i'r darparwr/darparwyr gorau.
- 10.2. Caiff pob prosiect a ariennir drwy'r Grant Cymorth Tai eu monitro'n rheolaidd i sicrhau y gellir adnabod a rhoi sylw i unrhyw broblemau/risgiau cyn gynted â phosibl. Fel prosiect a model darpariaeth newydd, byddwn yn gweithio'n agos â'r darparwr/darparwyr i ddysgu a datblygu arfer gorau.
- 10.3. Rydym yn cynnwys cymalau yn ein holl gontractau sy'n caniatáu i ni derfynu neu newid y contract (gyda'r cyfnodau priodol o rybudd) pe bai toriad o'i amodau, lleihad yng nghyllid LIC neu unrhyw sail arall dros derfynu a allai godi.

11. Pŵer i wneud y penderfyniad

11.1. Bydd datblygu a thendro'r contract yn cael ei gefnogi dan y Sir o dan Ddeddf Gwasanaethau Cymdeithasol a Llesiant (Cymru) (2014) a Rheoliadau Ariannol a Rheolau Gweithdrefn Contractau (rheolau 2.7.1 a 5.5) Cyngor Sir Ddinbych.

11.2. Pŵer wedi'i ddirprwyo i'r Aelod Cabinet fel y nodir yn Atodiad 2(b) Adran 13 Cynllun Dirprwyo Aelodau yng Nghyfansoddiad y Cyngor.